

**MIO-p anguniagai  
periusissamullu  
pilersaarutaa**

**2018-2021-MUT**



Meeqqat Pisinnaatitaaffiik Sullissivik



# SIULEQUT

## Sulinermi alloriarnerup tullia.

Piffissami 2015-2018-imi MIO-p ukkataraa Naalagaaffiit Peqatigiit Meeqqat pillugit Isumaqatigiissutaat Kalaallit Nunaata malinneraa qanorlu misissussallugu, meeqqat inuunerminni qanoq atugaqarner-sut qanorlu periarfissaqarner-sut. Ataatsimut isigalugu MIO nuna tamakkerlugu angalanikuuvoq.

MIO ineriartorneq sammivigalugu sulivoq 2018-2021-mullu periu-sissiap tunngavigaa, meeqqat atugarissaarnissaannik periarfissaan-killu akisussaaffimmik tigusinissaq. Periusissiap matuma aamma

tunngavigaa innuttaasut kajumissaarnissaat, meeqqat inuusuttullu pillugit suliasaqqarfimmi ajornartorsiutinut MIO-p erseqqissarnikuu-saanut atatillugu akisussaaffimmik tiguseqqullugit.

Meeqqat atugarisaasa nakkutiginerat taakkulu pillugit ilisimasani-k katersineq ingerlaannassaaq, ukiunili tulliuuttuni pingaartumik aki-sussaaffik iliuuseqarnerlu ukkatarineqassapput. Taamaattumik 2018-2021-mi MIO-p ukkatarisassai toqqarneqarput ukiuni 2015-2018-imi MIO-p ilisimasani-k katersorsimasaanik tunngaveqartunik, tassani ilaatigut MIO-p nassuiarpaa Meeqqat pillugit Isumaqati-giissummi artikelit 17-it Kalaallit Nunaata eqquutsinngikkai.

Asannittumik inuulluaqqusillunga



Aviaja Egede Lyngge  
Meeqqat Illersuisuat



## MIO-p pingaarnertut anguniagai Naalagaaffiit Peqatigiit Meeqqat pillugit Isumaqatigiissutaanniit aallaaveqarput

- Immikkoortinneqannginnissamut pisinnaatitaaffik
- Illersorneqarnissamut pisinnaatitaaffik
- Ineriartornissamut pisinnaatitaaffik
- Aalajangeeqataannissamut peqataanissamullu pisinnaatitaaffik

MIO-p pingaarnertut anguniagai inatsisit tunngavigalugit kiisalu periusissioinnikkut ukkatarinniffiit suliniarfiillu aallaavigalugit ulluinnarni sulinikkut atulersinneqartarput.

## MIO-p meeqqanik isiginneriaasia

MIO-mi pingaartumik meeqqat peqataatitsinissaat pingaartittorujussuarput, aammalumi inersimasut. Meeqqat meeraanermik ilisimasaqarluartuupput, pingaarporlu meeqqat isiginnittariaasaat tusarniarnissaat. Meeqqat pisinnaatitaaffeqarput. Meeqqat peqataatikkaangatsigit isumaqanngilaq meeqqat aalajangiisinnaasut, eqqaamassavarpulli meeqqat isiginnittariaasaat tusarniarnissaat maluginiarnissaallu.

## MIO-p ulluinnarni pingaarnertut suliasarai

- Meeqqat Illersuisuattut atorfik
- Siunnersuineq aqutissiuinerlu
- Ilisimasanik agguaassineq

MIO suliffeqarfiuvoq politikikkut attuumassuteqangitsoq.

# MEEQQAT TAMARMIK NALEQARPUT

MIO-P MEEQQANIK  
ISIGINNERIAASIA

## INUPPALAARNEQ

MIO-mi inuk inuttut salliutitaraarput. Taamaammat inoqatigut – meeqqat, inuusuttut inersimasullu – inuttut isumassuillutalu naapittarpagut. Suliassagut maniguulluta suliarisarpagut meeqqallu namminneq tunngavigisaat malillugit naapittarlugit.

## MEEQQAT TAMARMIK ASSEQARATIK IMMIKKUULLARISSUUSUT MIO-MI ILISIMAVARPUT

Meeqqat tamarmik asseqaratik immikkuullarissuupput, qanoq ittuunertik piginnassallugu pisinnaatitaaffigaat.

MIO-mi inuit tamaasa assut ataqqivagut, meeqqallu tamaasa assigiimmik naleqartutut isigalugit. Meeqqat inissisimanagerat paasisaqarfigerusuttarpagut ataasiakkaanullu naleqqussartarluta; taamatutaaq najugarisaannut aamma naleqqussarniartarpagut.

## MEEQQAT NALUNNGINNERUAAT MEERAANEQ QANOQ ITTUUNERSOQ

MIO-mi sulinitisinni meeqqat namminneq misigisaat tunngavigisarpagut. Meeqqat sinnerlugit oqaaseqartarpagut, meeqqallu peqataatinneqartarnerat sulinitisinni pingaaruteqartumik tunngavigineqassasoq isumaqarluta.

Periutsit assigiinngitsut atortarpagut, atortussallu tigussaasut atorlugit meeqqat inissisimaviini naapinnissaat anguniartarlugu.

Meeqqat meeraapput, inissisimaffigisaallu tunngavigalugit naapinneqassallutik.

## MEEQQAT ISUMAAT INERSIMASUT ISUMAATTULLI PINGAARUTEQARTIGAAT

Meeqqat inerisimassusiat apeqqutaatinnagu isumaat inersimasut isumaattulli pingaaruteqartigaat. Meeqqat namminneq killigititaat, pisariaqartitaat misigissusaallu ataqqivagut. Meeqqat oqariartuutaat pissusilersornerat isumaallu kikkut tamarmik ataqqissavaat.

## MEEQQAT PILLUGIT SULERIAASERPUT

Meeqqat inuusuttullu inuunerminni tunngavissaqarnissaat MIO-mi kissaatigaarput. Meeqqanut aquttissiuuisuunissarpur, ilitersuisuunisarpur nassuiaassisuunissarpullu kissaatigaarput.

Tatiginassuseqarluta naleqartitatta pitsaassusaat illersorlugu ataqqeqatigiillutalu sulivugut, meeqqallu namminneq killigititaat ataqqillugit. Suliatsinnik ilisimaarinnilluta suleriaaseqarpagut meeqqallu inuppalaarluta naapittarlugit.



# 2018-2021-MI MIO-P PERIUSISSIORNIKKUT UKKATARINNIFFII SULINIARFIILU

Meeqqat Illersuisuat Aviâja Egede Lyngde aamma meeqqat pillugit Siunnersuisoqatigiit ataatsimoorlutik aalajangerpaat MIO-p 2018-imiit juuni 2021-mut suut pingaarnertut anguniagarissanerai.

2018-2021-mut MIO-p anguniagai periusissianullu pilersaarutaat Inatsisartut inatsisaanni nr. 11, 22 novembari 2011-miit Meeqqat Illersuisuat aamma Meeqqat pillugit Siunnersuisoqatigiinnut aallaveqarput.

1

**Ilaqutariit kajumissuseqarnissaat**

2

**Naalagaaffiit Peqatigiit Meeqqat pillugit Isumaqatigiissutaat naapertorlugu meeqqat pisinnaatitaaffiisa nukittorsarneqarnissaat pillugu oqartussaasunik suleqateqarneq oqaloqateqarnerlu**

3

**Meeqqanik inersimasunillu peqataatitsineq**

4

**Meeqqat ikiorneqarnissamik pisussaataaffitsik pissagaat**

5

**Naammagittaalliornissaq pillugu meeqqat ilisimasaat**

6

**Aaqqissuussaannerit, kulturi inuiaqatigiillu aaqqissuussaannerat pillugit oqallinneq**



**7**

**Ulluunerani paaqqinnittarfiit ukkatarineqarnerat**

**8**

**Meeqqat Illersuisuata aamma Meeqqat pillugit Siunnersuisoqatigiit ingerlaavartumik oqaasertalersortagaat oqallinnermik pilersitsisarput**

**9**

**Kalaallit Nunaanni inuit tamarmik Meeqqat pillugit Isumaqatigiissut meeqqallu pisinnaatitaaffii ilisimassagaat**

**10**

**Meeqqat inuusuttullu pillugit suliassa qarfiup iluani misissuinerit ilisimasaniq, oqallinnermik suliniutinillu pilersitsisarput**

## Ilaqutariit kajumissuseqarnissaat

MIO Kalaallit Nunaata annertunerpaartaani angalanikuuvoq, angalanermilu nalunaarutiminik takutipppaa Naalagaaffiit Peqatigiit Meeqqat pillugit Isumaqtigiissutaani artikelit arlallit eqquutsinniarninerinut suut unammillernartuunersut. MIO ilisimasanik tunngaviliivoq, meeqqat inuunermi atugarisaannut, atugarissaarnerannut periarfissaannullu akisussaaffimmik tigusinissaannut suliniutinik pilersitsisinnaasunik kiisalu inuiaqatigiinnik kajumissuseqalersitsisinnaasunik. MIO-p kisaatigaa ilaqutariit – angajoqqaatut oqartussaassusillit allanullu isumassuisunut – kajumissaarnissaat iluaqutissanillu agguuassinissaq, ilaqutariit nalunnginniassammassuk(namminneq allallu) meeraasa akornanni qanoq iliuuseqarsinnaanerlutik, aammattaq misiginiasammata nammineersinnaassuseqarlutik, sunniisinnaassuseqarlutik namminerlu inuunermi iliuuseqarsinnaassuseqarlutik.

### MIO-p sulissutigerusppaa ilaqutariit kajumissaarneqartutut misigissasut, makku ukkatarinerisigut:

- Inatsisitigut pissutsit meeqqanut tunngasut
- Sumiiffimmi iluaqutissat
- MIO-p siunertai kommuninut siammarterlugit
- Ilaqutariit assigiinngitsut tamaasa: Ass. meeqqat kisimiittunik angajoqqaallit, ilaqutariit ilasariilernikut, meeqqat aanaakkuminni peroriartortut, meeqqat angajoqqaarsianut inissinneqarnikut, meeqqat ilaqutariinni pissakinnerusuneersut, il.il.
- Atuagaq najoqqutassiaq perorsaanermut tunngasoq

Meeqqat pillugit Isumaqtigiissummi artikeli 18 – Naalagaaffiit peqataasut anguniassavaat meeqqap perorsarneqarneranut ineriartorneranullu angajoqqaat marluullutik akisussaqtigiinnerat pillugu isummat tunngaviusut akuersarneqarnissaat. Angajoqqaat, imaluunniit pisariaqartitigut akisussaasutut oqartussaasut, meeqqap perorsarnissaanut ineriartortinnissaanullu akisussaanerpaapput. Taakkunannga meeqqamut pitsaanerussaaq salliutinneqassaaq.

---



---



---



---

## Naalagaaffiit Peqatigiit Meeqqat pillugit Isumaqtigiissutaat naapertorlugu meeqqat pisinnaatitaaffisa nukittorsarneqarnissaat pillugu oqartussaasunik suleqateqarneq oqaloqateqarnerlu

2018-imi ukiut 25-it qaangiupput Kalaallit Nunaata Naalagaaffiit Peqatigiit Meeqqat pillugit Isumaqtigiissutaannut ilanngummat. Meeqqat pillugit Isumaqtigiissummi aalajangersakkanik arlalinnik aalajangersarneqarput, nunat, Meeqqat pillugit Isumaqtigiissummut ilannguttut, meeqqat politikkikkut, aningaasaqarnikkut, inooqataannikkut kulturikkullu namminiussulittut pisinnaatitaaffiik ataq-qinnissasut. Ukiut pingasut kingullit ingerlanerini MIO-p aamma Meeqqat Illersuisuata nakkutigaat inatsisit suleriaatsillu Meeqqat pillugit Isumaqtigiissummut atatillugu Kalaallit Nunaata pisussaaffiik eqquutsitsinersut. Ukiuni aggersuni pingasuni MIO-p aamma Meeqqat Illersuisuata suliaq tamanna ingerlatinnassavaat.

### MIO oqartussaasunik suleqateqassaaq oqaloqateqarlunilu Meeqqat pisinnaatitaaffi nukittorsarniarlugit assigiinngitsunik sammisassaqtitsinikkut, Naalagaaffiit Peqatigiit Meeqqat pillugit Isumaqtigiissutaat aallaavigalugu:

- Ataatsimut isigalugu Naalagaaffiit Peqatigiit Meeqqat pillugit Isumaqtigiissutaanni artikelit suut Kalaallit Nunaata eqquutsiniarnissaannut ajornartinnerai
- Naalagaaffiit Peqatigiit Meeqqat pillugit Isumaqtigiissutaat naapertorlugu kommunit sulinerannik malitseqartitsineq
- MIO-p innersuussutaanik malitseqartitsineq, ilaatigut angalanermi nalunaarusianit
- Politikkikkut suliniutinik malitseqartitsineq
- MIO-mut innuttaasut saaffiginnissutaat – misissueqqissaarnerit, kisisititigut paasissutissat aamma nalunaarusiornerit il.il.
- Nuna tamakkerlugu innuttaasut saaffiginnittarfiannik ataqatigiissaagaasumik pisariaqartitsinermik kiisalu ikiuillutik sullissisusatt ersarissarneqarnissaannut pisariaqartitsinermik oqariartuuteqarneq
- MIO-p suleriaatsinut ilusilersugaanik nassuiaaneq

Meeqqat pillugit Isumaqtigiissummi artikeli 26 – Naalagaaffiit peqataasut akuerisavaat, meeqqap kialuunniit inooqatigiissutsikkut isumannaallisaavigineqarnissamut pisinnaatitaaffeqarnera, tamatumunnga ilanngullugu inooqatigiissutsikkut ilisimatusarneq, aammalu pisinnaatitaaffeqarnerup tamatuma killilersugaangitsumik anguneqarnissaanut iliuusissatut maleruagassat pisariaqartut tamaasa nunami inatsisit naapertorlugit isumagissallugit.



## Meeqqanik inersimasunillu peqataatitsineq

Meeqqat Illersuisuata, piffissami Meeqqanut Illersuisuuffimmini siul- lermi, inatsisit suleriaatsillu iluani suliassaqarfiit sorliit Naalagaaffiit Peqatigiit Meeqqat pillugit Isumaqaatigiissutaanni artikelit assigiin- ngitsut naapertorlugit eqquotsinnginneraat ersarissumik takutippaa. Meeqqat inuusuttullu pillugit susassaqaqfinni assigiinngitsuni ata- qatigiissumik pilersaaruteqartoqarnissaa pisariaqartinneqarpoq, meeqqat pisinnaatitaaffiik siuarsaasussanik kiisalu meeqqat na- leqarluartumik inuuneqarnissaannik toqqissisimaffiusumik, ineri- artoriusumik periarfissaqaqfiusumillu qulakkeerinnittussamik.

**Meeqqat Illersuisuata ilisimasat taakku tunngavigalugit innuttaasut siunnersuutaat tusarusuppai, annermik meeqqat inuusuttullu pillugit suliassaqaqfinni pingaarnertut MIO-p paasissutissiiffigisimasai, unamillernarfiusut Meeqqat pillugit Isumaqaatigiissummi eqquotsinniarnenit.**

- Meeqqat oqallittarfissaannik pilersitsineq
- Suliassaqaqfiit akornanni suleqatiginneq
- Naalagaaffiit Peqatigiit Meeqqat pillugit Isumaqaatigiissutaanni artikelinik 54-iusunik tamakkiisumik isiginneq
- Ataatsimut takorluukkat – meeqqat namminneq inuunerminnut innersuussutaat

Meeqqat pillugit Isumaqaatigiissummi artikeli 12 – Naalagaaffiit peqataasut qular- naassavaat meeqqap, nammineerluni isummaminik saqqummiussisnaalereersup, isummaminik taamaattunik pissutsini meeqqamut namminermut tunngassutiliini tamani akornuserneqarani oqariartuuteqarsinnaanermut pisinnaatitaaffeqaqarnissaa; meeqqap isummerneru, ukiuinut inerisimassusianullu naapertuuttumik pingaartin- neqassapput.




---



---



---



---

## Meeqqat ikiorneqarnissamik pisussaataaffitsik pissagaat

Meeqqat Illersuisuata MIO-llu angalasarnermini ersersippaat pingaartumik tarnikkut ikiortinnissaq annertuumik pisariaqartinne- qartoq, ikiuisussallu sumiinnerinik ersarissaasoqarnissaa pisari- aqartinneqartoq. Nunatsinni meeqqat inuusuttullu amerlasuut ikior- neqarnissaa pisinnaatitaaffigisartik pineq ajorpaat.

Meeraanermi peroriartornermilu misigisat assigiinngitsut artornartut kingunerlutsitsisullu pissutigalugit meeqqat inuusuttullu arlallit tar- nikkut ikiorneqarnissaminut pisariaqartitsippit; aamma meeqqat sumiginnagaanermik imaluunniit kingunerlutsitsisunik misigisaqarsi- manngitsut, inuunerup ingerlanerani tarnikkut ikiorneqarnissartik pisariaqartilersinnaavaat. Meeqqat ikiorserneqarnissamik pisaria- qartitsisut pisinnaatitaaffeqaqartullu ilaatigut ikiorserneqarneq ajortut inunnik isumaginnittoqarfinni peqqinnissaqaqfinnilu nalunaarsorne- qanngitsut aamma taakkununga ilaapput.

**MIO-p sulissutiginiarpaa, meeqqat ikiorneqarnissamut pisussaaffitsik pisassagaat makku ukkatarinerisigut:**

- Nalunaarsorsimanngitsut kisisaasat
- Psykologiskimik/terapeutiskimik katsorsaaneq – ikiuinissaq qanoq ittoq pisariaqartinneqarpa?
- Pimmatiginneqarneq aamma persuttaaneruvoq
- Peqqinnissaqaqfik aqutigalugu ikiuineq
- Meeqqat inissitat, matuma ataani:
  - Meeqqat inoorlaajullutilli inissinneqartut
  - Meeqqat inissinneqarfimminnik allamut nuutsinneqartartut
  - Meeqqat (ukiuni arlalinni) inissinneqareerlutik angerlartinneqarisaartartut
  - Inissiinerit amerlassusaat
  - Inissiisarnermik suliassaqaqfiup iluani pissutsit allat oqaatigineri
- Meeqqat atuarnertu

*Nanginnera quppernerup tulliani*

---



---



---



---





## Meeqqat Illersuisuata aamma Meeqqat pillugit Siunnersuisoqatigiit ingerlaavartumik oqaasertalersortagaat oqallinnermik pilersitsisarput

Meeqqat Illersuisuat, Meeqqat pillugit Siunnersuisoqatigiit aamma MIO ingerlaavartumik Kalaallit Nunaanni meeqqat inuunermi atu-garisaat pisinnaatitaaffiilu pillugit pissutsit assigiinngitsut oqaaserta-lersortarpaat. Meeqqat Illersuisuat aamma MIO oqallissaarerusup-put ilisimasaqalersiterusullutillu meeqqat pisinnaatitaaffiik, inuu-nermi atugarisaannik periarfissaannillu nukittorsaasussanik.

### MIO oqallissaariniarpoq kiisalu inuiaqatigiinni ilisimasanik avitseqate-garniarluni pissutsit assigiinngitsut oqaasertalersorneratigut, soorlu:

- Inuiaqatigiit aqqissuussaanerlu
- Kanngusunneq pisuusutullu misigineq pillugit ajornartorsiutit
- Imminut toquttarneq
- Tarnikkut nanertismaneq
- Meeqqanik inissiisarnerit
- Meeqqat atuarfiat
- Kissaatiginngisamik naartulersortarnerit
- Atornerluinermik ajornartorsiutit
- Meeqqat atuarfiata naammassinerata kingorna inuusuttut pilersaarutaat
- Ilaqutariinni pissakinnerusuni meeqqat
- Naalagaaffiit Peqatigiit Meeqqat pillugit Isumaqatigiissutaat 54-inik artikelinik imaqarpoq – artikelinilu taakkunani isumaginninnermut suliasaqarfik kisimi pineqanngilaq
- Siusinaartumik suliniarneq (attaveqarneq)
- Angerlarsimaffeqannginneq
- Suliffissaaleqineq
- Tarnikkut nappaatit
- "Inersimasut paqumigisaat – meeqqat paqumiginngisaat". Meeqqat ajornartorsiutit pillugit ammasumik oqaloqatigiittarnerat imminnullu ikioqatigiittarnerat.
- MIO-p atuuffia
- Meeqqat inersimasunik oqaloqatigisinnaasaminnik pisariaqartitsipput
- Suliasaqarfiit akornanni suleqatigineq iliuusissanullu malittarisassat
- Meeqqat isertitsivimmiittunik angajoqqaallit
- Imigassaq pillugu inatsit meeqqallu
- Sunngiffimmi sammisassat
- Meeqqat "nalinginnaasunik" ajornartorsiutillit ikiorneqarnerat
- Meeqqat atuarfiillu





## MIO – suliffik ineriartorfiusoq

MIO-mi atorfillit tamarmik immikkuullarissutsiminnik MIO-p anguni-agaanik pingaarnertullu suliaasaannik kivitseqataapput. Ulluinnarni sulliassarpassuaqarpoq suliniutissarpassuaqarlunilu. Taamaattumik pingaaruteqarpoq, MIO-mi sulisut tamarmik suliaminnik nukittuffeqartutut misigisaminni suliaqarnissaat, tamannalu isumaqarpoq suliatigut inuttullu *ineriartorneq ilikkagaqamerlu* ingerlaavartumik pingaartinneqartut oqaasertalerneqartartullu.

## Meeqqat Illersuisuata MIO-llu inatsisitigut tunngaviat

MIO-p aamma Meeqqat Illersuisuata sulinerannut tunngaviuvoq Meeqqat Illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. Novembarimeersoq. Inatsit Naalagaaffiit Peqatigiit Meeqqat pillugit Isumaqatigiissutaat naapertorlugu ilusilersorneqarpoq taassuminngalu siunertaavoq, Kalaallit Nunaanni meeqqat soqutigisaasa pisinnaatitaaffiisalu siuarsarneqarnissaat.

1993-imi Kalaallit Nunaat Naalagaaffiit Peqatigiit Meeqqat pillugit Isumaqatigiissutaanut ilannguppoq. Tamanna isumaqarpoq, Kalaallit Nunaat Naalagaaffiit Peqatigiit Meeqqat pillugit Isumaqatigiissutaani artikelinik eqquutsinsissamut pisussaaffeqalerneranik. Inatsisit suleriaatsillu pisussaaffimmik taassuminnga eqquutsinsinersut MIO-p nakkutigaa, soorlu MIO-p nunatsinni meeqqat inuunermi atugarisaat nalilersortarai.

MIO-p ataaniippot Meeqqat Illersuisua, Meeqqat pillugit Siunnersuisoqatigiit kiisalu allattoqarfik. Meeqqat Illersuisuat ukiuni pingasuni atuuttussatut taaneqartarpoq. Taaneqaqqinneq ataasiarluni pisinnaavoq. Maanna Meeqqat Illersuisuata Aviâja Egede Lyngep Meeqqat Illersuisuattut ingerlanerata piffiup aapparaa.

Meeqqat Illersuisuat Meeqqat pillugit Siunnersuisoqatigiit siunnersortigalugit, meeqqat pisortatigut namminerlu inuunermi pisinnaatitaaffiinik soqutigisaannillu siuarsaaneq sulissutigisussaavaa kiisalu inuiaqatigiinni meeqqat atugarisaat ukkatarissallugit ilisimatitsissutigisassallugillu. Meeqqat pillugit Siunnersuisoqatigiit suliaaqqarfiit akornanni katitigaapput arfineq marlunnillu ilaasortaqlutik. Allat-

toqarfiup allaffissorneq akisussaaffigaa kiisalu Meeqqat Illersuisuannut Meeqqallu pillugit Siunnersuisoqatigiinnut suliaatigut ikiuutaasarluni.


MIO-p Meeqqallu Illersuisuata sullitaat siammasissorujussuupput, tassani inatsit nunatsinni innuttaasunut tamanut atuummat – innuttaasunut meeqqanut kiisalu inersimasunut.

## MIO’p takorluugaa

Kalaallit Nunaata Naalagaaffiit Peqatigiit Meeqqat Pillugit Isumaqatigiissutaat eqquutsissagaa.

## MIO’p anguniagaa

- Meeqqat pisinnaatitaaffii illersussallugit MIO peqataatitsineq tunngavigalugu meeqqanut oqaaseqartartuusaaq
- MIO-p nakkutigissavaa Kalaallit Nunaat Meeqqat pillugit Isumaqatigiissummik eqquutsinsinersoq ilisimasallu oqartussaasunut annguttassallugit
- Meeqqat atugarisaat pisinnaatitaaffiilu pillugit ilisimasanik MIO katersissaaq siammarteralunilu kiisalu taakku pillugit oqallissaarluni
- Kalaallit Nunaanni nunanilu tamalaani malittarisassat naapertorlugit meeqqat pisinnaatitaaffiinik ersarissaasussanik MIO suliniutinik siunnersuisassaaq
- Meeqqat pisinnaatitaaffii pillugit MIO siunnersuisassaaq, aamma maalaaruteqarnissamik ilitsersuilluni



## Sooq MIO-qarpa?

Nunarsuarmi meeqqat tamarmik pisinnaatitaaffeqarput. Tamanna isumaqarpoq, meeqqat pitsaasumik inuuneqarnissaat angerlarsimaffimmilu toqqissisimasumi peroriartornissaat inersimasut isumagissavaat. Pisinnaatitaaffiit tamarmik Meeqqat pillugit Isumaqatigiissummi taaneqartartumi allassimapput. Meeqqat pillugit Isumaqatigiissut malittarisassat inersimasut malitassaat pillugit isumaqatigiissutaavoq. MIO-mi sulissutigaarput meeqqat tamarmik ajunnginnissaat inersimasut malittarisassanik malinninersut.

Taamaattumik MIO-p meeqqat inersimasullu qanoq innerinik apersortarpaat. Inersimasut ilaasa meeqqat sunik pisariaqartitsinerat ajunnginnissaallu anguniarlugu qanoq iliussanerlutik nalorsaatigisarpaat. Inersimasunut MIO-p ilisimatitsissutigissavaa qanoq pitsaanerpaamik meeqqanik paarsisoqassanersoq.

Meeqqanut



### 2018-2021-mut MIO-p anguniagai periusissamullu pilersaarutaa

Saqqummiisoq **MIO – Meeqqat pisinnaatitaaffiinik sullissivik, Postboks 1290, Issortarfimmut 1B, 3900 Nuuk, Kalaallit Nunaat [www.mio.gl](http://www.mio.gl)**

Saqqummerfia **Aggusti 2018**

Allaaserinnittut **Meeqqat pisinnaatitaaffiinik sullissivik, MIO**

Assit **MIO**

Ilioqqaasoq **Nuisi grafik**

